

影印
文淵閣

四庫全書

影印

文淵閣四庫全書

第七五三冊

北京出版集團公司
北京出版社

本册目次

欽定四庫全書

醫部全錄

普濟方(七)

明朱橚撰……………一

欽定四庫全書

子部
普濟方卷一百八十一

詳校官太醫院醫士趙正池

編修臣倉聖脈覆勘

總校官庶吉士何思鈞

校對官典簿臣劉景岳

膳錄監生臣費元震

欽定四庫全書

普濟方卷一百八十一

明

周王朱橚撰

諸氣門

總論

大陰陽雖大本屬呼吸相通天下一氣爾人生其間大喜毘於陽大怒毘於陰一吐納一動靜何所逃哉與氣流通而已故氣平則寧氣不平則病內經曰百病生於氣喜則氣緩悲則氣消塞則氣收熱則氣泄恐則氣下憂則氣亂勞則氣耗思則氣結怒則氣逆蓋榮衛通利則氣舒而不迫此喜所以氣緩也神情慘悴則氣虧而不全此悲所以氣消也經絡凝滯則氣塞而不散此塞所以氣收也腠理開通則氣升而汗出此熱所以氣泄也精却上閉氣還下行此恐所以氣下也心多愁慮則氣散而無歸此憂所以氣亂也內外煩動則氣喘而且汗此勞所以氣耗也心有所止則氣滯而不行此思所以氣結也嗔恚傷甚則氣上而嘔血涎此怒所以氣逆也此九

欽定四庫全書

普濟方
卷一百八十一

氣者證雖不同大概診寸口脉伏腦中逆氣是諸氣上衝腦中故上氣面浮腫脹怠其脉浮大不治上氣脉躁而喘者屬肺脹欲作風水發汗而愈脉洪則為氣上騰虛寧伏匿者生牢強者死喘息低仰其脉滑手足溫者生瀉而四末寒者死類者亦死謂形損也人有七情病生七氣七氣者寒熱怒恚喜憂愁或以為喜怒哀思悲驚恐皆通也然則均調是氣將何所先氣結則生痰痰盛則氣愈結故調氣必先豁痰如七氣湯以半夏為主治

欽定四庫全書

普濟方
卷一百八十一

而官桂佐之蓋良法也況夫冷則生氣調氣雖為豁痰亦不可無溫中之劑其間用桂又所以溫中也不然七氣相干痰涎凝結如絮如膜甚如梅核室礙於咽喉之間咯不出嚥不下或中滿艱食或上氣喘急曰氣滯曰氣秘曰氣中以至五積六聚疝癖癥瘕心傷塊痛發即欲絕殆無往而不至矣冷氣者生冷必傷脾風冷入胃或血海虛冷冷則氣生用和劑七氣治中湯沈香降氣湯大沈香丸痰結者三因七氣湯指迷七氣湯易間二

陳湯中滿者痞滿不食水氣腫脹面目俱浮枳殼散加南木香大流氣飲指迷七氣湯順氣木香散三和散五皮散加半夏茯苓上氣者氣逆上呼吸喘促分氣紫蘇湯蘇子降氣湯或噤蘇合香丸以秘傳降氣湯送下氣膈者陰陽不和中脘室塞五膈吐噎食不能下五膈寬中散和劑七氣湯加木香縮砂間以紅丸子佐之氣滯者滯於腦膈則脹滿滯於手足則浮腫滯於腰間則墜痛脹滿用異香散調氣散沉香降氣湯仍與神保丸或

欽定四庫全書

普濟方
卷一百八十一

少加蓬朮煎湯利之浮腫用三和散夾生料五苓散或五皮散加桂苓青木香丸局方流氣飲加赤茯苓枳殼腰痛俞山人降氣湯局方七氣湯加橘核或辣桂煎湯調氣散吞青娥丸氣秘者停縮不消腸胃留滯大便不通蘇合香丸夾和感應丸或楊氏麝香丸局方麻仁丸並用枳殼丸送下氣傷之人多有氣不歸元遂成中狀如中風仆倒昏迷牙關緊急只是無痰此為氣中不得誤用風藥及通關利膈等症先以薑汁泡湯調蘇合香丸次

用七氣大氣飲加石菖蒲繼之氣順而甦即以治中湯
木香以和其中使氣歸當道若更不能調則氣逆而厥
又有變證喜傷於心者其氣散怒傷於肝者其氣擊憂
傷於肺者其氣聚思傷於脾者其氣結悲傷於心胞者
其氣急恐傷於腎者其氣怯驚傷於膽者其氣亂七證
雖殊無踰於氣又有體虛者外為風冷乘之入於腹中
遂諸疝發則小腹痛痛或繞腸或逆搶心甚則手足厥
冷自汗嘔逆或大小便秘澀也人有血氣心知之性而
欽定四庫全書 普濟方 卷一百八十一 四
無哀樂喜怒之常一種婦人平時任氣易為七情所傷
過月事經季不行一身百病胸臆氣填嘔惡全不入食
則吐痰或一塊如核室塞喉而痛或一塊如卵築觸
心下而痛或腹中塊物動而作痛攻刺腰背時發熱四
肢乏力脚不能行小便白濁浮油帶下淋漓日就瘦弱
全似虛勞然而穀雖不如果子雜物常喜食之却只是
有孕諺所謂孕婦做得百病者此也用藥但以二陳湯
加縮砂桔梗姜棗烏梅同煎半夏理氣消痰縮砂安胎

順氣此梗以開嚥喉之隔服之自然安平若妄以剛劑
溫胃胎必損病無由愈白濁一節謹勻燥澀二陳湯加
白茯苓以下白丸子可也若夫七情所發逆氣填胸不
惟核膜上氣塞咽喉甚者攻擊滿悶欲絕產後尤多有
之故曰產前安胎產後調氣男女或有嚥喉間核作恙
者觸事勿怒飲食勿冷

一切氣 附論

夫內經云百病所生生於五臟肺之所主獨於氣不足

欽定四庫全書

普濟方 卷一百八十一

五

有飲蓋由虛實故病不同其證亦異怒則氣逆甚則嘔
血及食故氣逆也喜則氣和榮衛通利故氣緩也悲則
心系欲絕肺葉齊舉使上焦不通榮衛不散熱氣在內故
氣消情怯怯則上焦閉閉則氣還還則下焦脹故
氣不行而聚也寒則膚腠閉拒氣道不行氣收而不散
也熱則腠理開榮衛不通故汗大泄也驚則心無所倚
神無所歸慮無所定故氣亂勞則喘且汗外內皆泄故
氣耗思則心有所止氣留不行故氣結

方

七氣九

出千金方

治七氣者寒氣熱氣怒氣悲氣喜氣憂

氣愁氣此之為病皆因積聚堅牢心腹絞痛不能飲食時去時來發則欲死有如禍祟凡寒氣狀吐逆心滿熱氣狀恍惚眩胃失精怒氣狀上氣不可當熱痛急盪心氣欲絕不得安息悲氣狀積聚心滿不思食飲喜氣狀不可疾行久立憂氣狀不可苦作卧不安席愁氣狀無故喜怒置物忽忘四方搜索不知其處四

欽定四庫全書

普濟方卷一百八十一

六

肢腫腫不得舉止亦治產後中風餘疾

大黃

二兩半

人參

半夏

吳茱萸

柴胡

乾薑

細辛

桔梗

菖蒲

各二分

茯苓

芎藭

甘草

蜀椒

一用桂心

石膏

桃仁

各三分

右為末蜜丸如梧子大每服酒下三九日三服漸加至十九又一方無茯苓芎藭甘草石膏桃仁

七氣九

一名烏頭九出千金方

治七氣積聚不散在於脇腹結

如杯胃中氣隔吐逆不能下食腹脇疼痛喜怒不常

呼吸短氣四肢不舉

烏頭

大黃

各七分

紫苑

半夏

細辛

丹參

茯苓

芎藭

桃仁

石膏

桔梗

菖蒲

一升

桂心

人參

甘草

吳茱萸

防葵

乾薑

蜀椒

各半兩

前胡

右為末蜜丸如梧子大酒服三九日三加至十九一方去半夏加甘遂三分無丹參甘草

七氣湯

出千金方

治寒氣熱氣憂氣喜氣悲氣怒氣結於膈

欽定四庫全書

普濟方卷一百八十一

七

中不思飲食五臟不調氣衰力少

乾薑

黃芩

厚樸

一作桂心

半夏

枳實

一作橘皮

粉甘草

乾地黄

芍藥

各三分

蜀椒

三兩一作桔梗

枳實

五枚

人參

一兩

淨吳茱萸

五合

右咀以水一斗煮取三升分三服三日

四七湯

一名大七氣湯出三因方

治喜怒哀悲思憂恐驚之氣結成

痰涎狀如破絮或如梅核咽喉之間咯不出嚥不下此七氣所為也中脘痞滿氣不舒快或痰涎壅盛上

氣喘急或因痰飲中節嘔逆惡心並宜服之 婦人

情性執着不能寬解多被七氣所傷遂致氣填胸臆

或如梅核上塞咽喉甚者滿悶欲絕產婦尤多此證

宜服此劑間以香附子藥久取效切不可謂紫蘇耗

氣且新產氣血俱虛不肯多服用之效驗不可殫述

半夏五兩 茯苓四兩 紫蘇葉一兩 厚朴三兩

右咬咀每服四錢水一盞半生薑七片棗一個煎至

六分去滓熱服不拘時候若因思慮過度陰陽不和

欽定四庫全書

普濟方
卷一百八十一

八

清濁相干小便白濁用此藥最為切當婦人惡阻間

以紅圓子尤宜服之名厚朴半夏湯一名大七氣湯

局方有七氣湯用半夏五兩人參官桂甘草各一兩

生薑煎服大治七氣并心腹絞痛藥味大甜恐未必

能止疼順氣一方治七情所傷腕中不快氣不升降

腹肋脹滿用香附子炒半斤橘紅六兩甘草二兩煎

服尤妙切不可謂香附子耗氣此藥大能資血養氣

或入煨木香半夏人參一兩

人參散出聖惠方 治憂恚寒熱喜怒及飲食阻隔內傷五

臟逆氣上攻不能還下心中悸動不安

人參一兩去蘆頭 芍藥一兩 木香一兩 半夏一兩湯浸七遍去滑

甘草半兩炙微赤剉 青橘皮一兩湯浸去白穢焙 熟地黄一兩

桂心一兩 吳茱萸半兩湯浸七遍焙乾微炒 前胡一兩去蘆頭

白朮一兩 訶黎勒皮一兩

右為散每服五錢以水一盞入生薑半分煎至六分

去滓每於食後稍熱服

欽定四庫全書

普濟方
卷一百八十一

九

七氣湯醫方集成 治寒氣怒氣恚氣喜氣愁氣憂愁內結

積聚堅牢如杯心腹絞痛不能飲食時發時止發即

欲死兼治虛冷上氣

人參去蘆 肉桂去麤皮 甘草炙剉各半兩

半夏湯浸七次切片焙乾五兩

右咬咀入半夏令停每服五錢水二大盞生薑五片

煎七分去滓食前熱服一方治胸痺心痛徹背心嘔

吐厥逆冷汗自出用半夏湯洗七次桂心不見火麤

末每服三錢水二盞薑七片棗五箇煎取一盞熱服

名通氣湯

七氣湯出瀉療方 治七情相干陰陽不得升降氣道壅滯

攻衝作痛

青皮 陳皮 桔梗 蓬莪術 辣桂 藿香

益智仁各一兩 香附兩半 甘草炙三分 半夏三分製

四七湯白一選方 治七種氣大七氣湯錢文子曾服有效

人參 茯苓各二兩 半夏 厚朴薑汁製各三兩半

欽定四庫全書普濟方卷一百八十一

右為粗末每服三錢水一盞半生薑七片棗一枚煎

六分食前服

大黃丸出聖惠方 治七氣積聚堅牢心腹脹痛

川大黃一兩剉碎微炒 川椒半兩去目及閉口者微炒去汗 木香三分

人參三分去蘆 半夏三分湯浸七次去滑 菖蒲三分 桂心三分

桔梗三分去蘆頭 柴胡三分去蘆 芎藭三分 赤茯苓三分

桃仁三分湯浸去皮光 乾薑三分炮製 細辛三分

吳茱萸三分湯浸七遍焙乾微炒

右為末煉蜜和搗五七百杵丸如梧桐子大每服於

食前以溫酒下十九漸加至二十九為度

半夏散出聖惠方 治七氣臟腑虛冷心腹上勞及不能飲

食

半夏一兩湯浸七遍去滑 人參一兩去蘆 附子一兩炮製去皮臍

陳橘皮三分湯浸去白槿焙 厚朴二兩去粗皮塗生薑汁炙令香熟

桂心一兩 白朮一兩

右為散每服五錢水一盞入生薑半分煎至六分去

欽定四庫全書普濟方卷一百八十一

滓於食前熱服

半夏散出聖惠方 治七氣心腹積聚結塊如杯嘔吐寒熱

胸中短氣不能食

木香一兩 桂心一兩 人參一兩去蘆 訶黎勒皮半兩

乾薑半兩炮製 甘草一分炒微赤剉 青橘皮半兩湯浸去白槿焙

吳茱萸半兩湯浸七遍焙乾微炒 細辛半兩 附子半兩炮製去皮臍

白朮半兩 鼈甲一兩半塗醋炙令黃去裙襴 京三稜三分

檳榔半兩 赤茯苓三分 厚朴半兩去蘆皮塗生薑汁炙令香熟

當歸 三分 懷香子 半兩

右為散每服五錢以水一盞入生薑半分棗一枚煎至六分去滓每於食前稍熱服

檳榔湯 出千金方 治氣實若積聚不得食息滿腹刺痛泄

利不止

檳榔 二十枚 附子 一枚 半夏 一分 細辛 一分

生薑 大黃 茯苓 各三兩 紫蘇 冬用子

紫苑 柴胡 各三兩 橘皮 甘草 各半兩

欽定四庫全書

普濟方
卷一百八十一

十三

右咬咀以水一斗煮取三升分三服相去如人行十里久若有癥結堅實如石加鼈甲二兩防葵二兩氣

上加桑白皮切二兩枳實厚朴各二兩消息氣力強

弱進二劑後隔十日更服桔梗破氣丸 方見本門上氣類

白芷菟散 出仁齋直指 治七氣所傷滯於胸膈窒於咽喉

脹痛於心下噫氣吞酸不能飲食

白豆蔻 縮砂 華澄茄 丁香 木香

甘草 炒一分 青皮 陳皮 辣桂 各二分

厚朴 製 香附 炒各三分

右為末每服三錢水一盞薑三片鹽一捻煎至七分

不計時候服

治氣滿閉塞不能食喘息方 出千金方

右用訶黎勒十枚為末蜜丸如梧桐子大食後服三

九不忌諸物得利即止

治氣方 出千金方

右用桃皮二斤去黃者咬咀以水五升煮取三升每

欽定四庫全書

普濟方
卷一百八十一

十三

服一升

又方 出千金方

右用酒服驢二合日二

又方 出千金方

右用黃牛乳二升煎取一升和生乳一升空腹服之

日一

又方 出千金方

右用驢乳初服三合三日後加至五合五日後加至七合七

日後加至一升忌葵菜猪魚油等一方尿空腹服百日
止去一切病

硫黃九

出千金方

治氣逆虛癰胸膈中痰惡心腹痛氣急

不下飲食

硫黃

礬石

乾薑

附子

烏頭

桂心

細辛

白朮

桔梗

茯苓

各一兩

右為末蜜丸如梧子大酒服十九日三漸加之以瘥
為度一方無白朮桔梗茯苓用吳茱萸蜀椒人參皂

欽定四庫全書

普濟方卷一百八十一

十四

角當歸丸用治大人冷下月溫飲水不解衣者一方

若冷痢者加赤石脂龍骨即愈也

大前胡湯治極氣傷熱喘息衝胸常欲自恚心腹滿痛
内外有熱煩嘔不安甚則吐血氣短乏不欲食口燥

咽乾

前胡

八兩

半夏

麻黃

芍藥

各四兩

生薑

五兩

黃芩

三兩

枳實

四枚

大棗

十二枚

右以水九升煮取三升去滓分三分溫服

紫蘇子丸

出利濟方

治一切氣逆胸膈噎悶心腹刺痛脇

肋脹滿飲食不消嘔逆欲吐及治脾胃傷冷咳嗽痞

滿或上氣奔急不得安卧

紫蘇子

揀淨

陳皮

去白各二兩

肉桂

去麁皮

人參

去蘆

高良薑

炒各一兩

右為細末煉蜜和丸彈子大每服一九細嚼溫酒下
米飲亦可不計時候或作小丸服亦得若食瓜膾生
冷覺有所傷噫氣生熱欲成霍亂者含化一九細細

欽定四庫全書

普濟方卷一百八十一

十五

噦汁服盡永不患霍亂

調中沈香湯

出和劑方

調中順氣除邪養正治心腹暴痛

胸膈痞滿短氣煩悶痰逆惡心飲食少味肢體多倦
常服飲食增進臟腑和平肌膚光悅顏色光潤

麝香

研半錢

沈香

二兩

生龍腦

研一錢

甘草

炙一分

木香

二兩

白豆蔻

各一兩

右為末研均每服半錢用沸湯點服或入生薑一片
鹽少許亦得酒食後服之大妙

勻氣散

出和
劑方

治氣滯不均胃膈虛痞宿冷不消心腹

刺痛除脹滿噎塞止嘔吐惡心常服調脾胃進美飲

食及治氣鬱生涎忽然倒暈不知人事

丁香

檀香

木香

白豆蔻仁

各二
兩

藿香葉

甘草

縮砂仁

四
兩

右為末每服一錢入鹽末一字用沸湯點服不計時

候或薑棗略煎服如卒中昏不知人事急煎紫蘇天

麻湯調下一二服間以蘇合香丸然後斟酌虛實進

欽定四庫全書

普濟方
卷一百八十一

去

三生三建等藥古人治風先治氣氣順則風除設是

氣中用之尤為切當

烏沈湯

出和
劑方

和一切氣除一切冷調中補五臟益精

壯陽道暖腰膝去邪氣治吐瀉轉筋癱瘓冷痛風水

毒腫冷氣麻痺又治惡心腹痛蠱毒疔鬼氣宿食

不消天行瘴疫膀胱腎間冷氣上衝背脊俯仰不利

及婦人血氣攻擊心腹撮痛並宜服之

大台烏藥

一百
兩

沈香

五十
兩

人參

三兩
去蘆

甘草

燼四
兩半

右為末每服半錢入生薑三片鹽少許沸湯點空心

食前服

三和散

出和
劑方

治五臟不調三焦不和心腹痞悶脇肋

膜脹風氣壅滯肢節煩疼頭面虛浮手足微腫腸胃

燥澀大便秘難雖年高氣弱並可服之又治背脇痛

有妨飲食及腳氣上攻胸腹滿悶大便不通

羌活

去
蘆

紫蘇

薑梗去
蘆皮

沈香

宣州木瓜

薄切
焙乾

欽定四庫全書

普濟方
卷一百八十一

去

大腹皮

炙焦黃
各一兩

芎藭

三
兩

甘草

炒

陳皮

去
白

木香

檳榔

麩裏煨
熟去麩

白朮

各三
分

右為麁末每服一大錢水一盞煎至六分去滓溫服

不拘時一方加赤茯苓可以和氣利水

青木香丸

出必
效方

療一切氣腹脹滿心痛氣冷食不消方

青木香

檳榔

各六
分

芍藥

大黃

十二
分

枳實

炙

訶黎勒皮

各五
分

桂心

四
分

右為細末煉蜜為丸如梧子大每服十五丸米飲下

以意增減之常令溏利甚効

積氣丸

出和劑方

治陰陽不和臟腑虛弱寒冷之氣留滯

於內使氣積不散胸脇支滿食即氣噎心腹膨脹氣刺氣急宿食不化心腹引痛噎氣吞酸停飲浸漬惡心嘔逆癖塊疼痛臟腑不調飲食不進往來寒熱漸覺羸瘦以致着床面黃肌精神困頓

巴豆

一百箇去皮心膜出油取霜三錢

桃仁

去皮尖麵炒別研一兩半

附子

炮去皮臍半兩

大黃

麵裹煨去麵為末一兩

乾漆

炒焦

欽定四庫全書

普濟方卷一百八十一

米醋

五升以礪砂大黃用慢火熬成膏

木香

朱砂研飛

鼈甲

醋炙黃半兩

三稜

煨熟搗碎

肉桂

去麁皮

礪砂

研各二兩

麝香

別研二錢半

右為細末研勻以醋膏為丸梧子大每服二九炒生

薑湯溫下或木香湯亦得食後卧服更看虛實加減

服之忌生硬冷物

分心氣飲

出和劑方

治男子婦人一切氣不和多因憂愁

思慮怒氣傷神或臨食憂戚或事不遂意使鬱抑之

氣留滯不散停於胸膈之間不能流暢致心胸痞悶

脇肋虛脹噎氣不通噎氣吞酸嘔噦惡心頭目昏眩

四肢倦怠面色痿黃口苦舌乾飲食減少日漸羸瘦

或大便虛秘或因病之後胸膈虛痞不思飲食並皆

治之常服升降陰陽溫和脾胃順三焦進飲食

木香

不見火

桑白皮

炒各半兩

大服皮

炮

丁香

半兩

桔梗

去蘆炒

麥門冬

子去心

草果仁

大服子

炙

厚朴

去粗皮薑汁製

欽定四庫全書

普濟方卷一百八十一

白朮

人參

剉各半兩

香附子

炒去毛

紫蘇

去梗

陳皮

去白

藿香

各一兩半

甘草

炙一兩

右咬咀每二錢水一盞入薑三片棗一枚劈破去核及

燈心十莖煎至七分去滓溫服不拘時候

和氣七聖散

王氏博濟方

厚朴

四兩去皮剉細用薑汁浸一宿炒紫黑色

陳皮

去白六兩炒勻

生薑

二兩淨洗切作片子日曬乾別炒紫黑色

甘草

二兩剉細炒今紫黑色

草豆蔻

二兩炮細更炒令勻

右四味炒了更同炒令勻同為細末常服二錢入鹽

少許點喫忽患脾氣等疾每服三錢薑三片棗一枚

水一盞同煎至六分溫服婦人冷血氣亦宜服忽氣

瀉及氣痛等並宜服食凡疎轉後並宜以此補治也

塌氣丸 出醫方集成

胡椒 一兩

木香 一錢

蝎尾 去毒半兩

右為末麵糊為丸如菡豆大每服二十九陳米飲吞

下

欽定四庫全書

普濟方卷一百八十一

三

沈香降氣湯 出百一選方

治陰陽壅滯氣不升降胸膈痞

塞心腹脹滿喘促短氣乾噦煩滿咳嗽痰涎口中無

味嗜臥減食又治胃痞留飲噫醋聞酸脇下支結常

覺妨悶及中寒咳逆脾濕洞泄兩脇虛鳴臍下撮痛

皆能治之患脚氣人每氣上衝心胸飽滿肢體浮腫

常服開胃消痰散壅思食

香附子 炒去毛四百兩

沈香 十八兩半

縮砂仁 四十兩

甘草 炙一百二十兩

右為細末每服一錢入鹽少許沸湯點服凌旦霧露空心服去邪惡氣使無瘴疫

小烏沈湯 出和劑方

治調中快氣治心腹刺痛

烏藥 十兩去心

甘草 炒一兩

香附子 炒盆內燥去皮毛焙乾二十兩

右為細末每服一錢入鹽少許或不著鹽沸湯點服不拘時候

拘時候

小七香丸 出和劑方

治溫中快膈化氣治酒吐酒嘔逆噦

酸氣隔食噎飲食不下冷涎翻胃腹脹痞疼遠年茶

欽定四庫全書

普濟方卷一百八十一

三

酒食積眼臉俱黃赤白痢疾脾毒泄瀉婦人脾血氣

小兒疳氣並宜服之

甘草 炒一百二十兩

甘松 炒八兩

益智仁 炒六兩

香附子 炒去毛

丁香皮 各一百二十兩

蓬莪朮 煨令熟

縮砂仁 各二十兩

京三稜 煨切一方無

右為末水浸蒸餅為丸如菡豆大每服二十九溫酒

薑湯熟水任下或氣脹滿磨烏藥水煎湯下或酒食

過度頭眩惡心胸膈滿悶先嚼二十九後吞二十九

生薑紫蘇湯下此藥性溫平不動臟腑

降氣湯

一名秘傳陰氣湯出和劑方

治男子婦人上熱下虛凡飲

食過度致傷脾胃酒色無節耗損腎元水土交攻陰

陽閉隔遂使氣不升降上熱則頭目昏眩痰實嘔逆

胸膈不快咽喉乾燥飲食無味下弱則腰脚無力大

便秘泄裏急後重臍腹冷痛治以涼則脾氣怯弱腸

鳴下利治以溫則上焦壅熱口舌生瘡及脚氣上攻與

久痢不瘥先服此藥却以所主藥治之氣壅耳聾發

欽定四庫全書

普濟方卷一百八十一

熱咽疼亦效

桑白皮

炒二兩

骨碎補

去毛炒

草果仁

去皮煨

五加皮

酒浸半日炒黃

半夏麴

炒

訶子

炮去核

桔梗

各半兩

甘草

炒

枳殼

去白炒黃

柴胡

去蘆

地骨皮

炒黃各一兩

陳皮

去白炒黃一兩

右為麓散和勻再就蒸一復時曬乾每服二錢紫蘇

三葉薑三片水一盞同煎至七分食後通口服常調

順榮衛通利三焦開膈化氣和五臟如痰嗽加半夏

倍之心肺虛加人參茯苓煎上膈熱加北黃芩煎下

部大段虛加少許炮附子生薑婦人血虛加當歸煎

本堂為有患者多是關膈不通氣逆吃噎上盛下虛

氣不升降常用治之無不見效

神仙沈麝丸

出和劑方

治一切氣痛不可忍者

沒藥

半兩

血竭

研

沈香

剉

麝香

細研

木香

半兩

甘草

各一兩

辰砂

各一兩

右為末熬甘草為膏搜和每服一九用薑鹽湯嚼下

欽定四庫全書

普濟方卷一百八十一

血氣醋湯下婦人產後血痛氣痛不可忍者只一九

立愈松滋令萬君擬寶此藥神效

順氣木香散

出和劑方

治氣不升降嘔逆惡心胸膈痞滿

脇肋脹滿及酒所傷噫氣吞酸心脾刺痛大便不調

面黃肌瘦不思飲食兼療婦人血氣刺痛及一切冷

氣

丁香

不見火

縮砂仁

良薑

去蘆炒

乾薑

炒

肉桂

去蘆皮

甘草

炒

厚朴

去粗皮薑汁炒

陳皮

去白

蒼木 米泔浸

桔梗 去蘆

茴香 炒各三兩

右為細末每服二錢水一盞薑三片棗二枚煎至八

分稍熱服不拘時候或入鹽少許沸湯點服常服寬

中順氣和胃進食

和氣散 出醫方集成

治脾胃不和中脘氣滯宿寒留飲停

積不消心腹脹滿嘔吐酸水脾痛泄瀉臟腑不調飲

食減少男子婦人一切疾並宜服之

香附子 去毛炒

陳皮 去白

肉桂 去麁皮

良薑 去蘆

欽定四庫全書

普濟方卷一百八十一

青皮 去白

甘草 燻

茴香 炒

蒼木 米泔浸各一兩

桔梗 去蘆三兩

右為細末每服二錢入鹽少許沸湯點服或鹽酒調

下不拘時候常服溫脾胃進飲食有益於人治心疼

有神效

集香丸 出和劑方

治脾胃一切氣胸膈痛悶脇肋脹滿心

腹疼痛噫氣吞酸嘔逆惡心不思飲食或因酒傷脾

胃不和並皆治之

白豆蔻仁

縮砂

木香 不見火

薑黃 各四兩

丁香 不見火六兩

附子 炒去毛四兩八錢

麝香 研八錢

甘草 十六兩內二兩入藥十四兩搗碎煎膏

右除研藥為細末入射拌勻用甘草膏搜和為丸如

梧子大服一二九細嚼嚥津下不拘時候常服寬中

順氣消宿酒進飲食磨積滯去麁塊

木香流氣飲 出和宣方

治男子婦人五臟不調三焦氣壅

心胃痞滿噎塞不通腹脇膨脹嘔吐不食又治上氣

欽定四庫全書

普濟方卷一百八十一

喘急咳嗽涎盛面目虛浮四肢腫滿大便秘滯小便

不通及治憂思太過攻陰陽之氣鬱結不散壅滯成

疾又治寒傷纔覺得疾便服此藥升降陰陽汗出立

愈又治腳氣腫痛喘急腹滿大便不通及氣攻肩背

脇肋走注刺痛並皆治之

半夏 湯洗七次二兩

陳皮 去白二兩

青皮 去白

甘草

厚朴 去粗皮薑汁炒

附子 炒去毛

紫蘇 去根梗各三兩

人參

麥門冬 各四兩

草果仁

肉桂 去皮不見火

蓬朮 煨切

大腹皮 丁香皮 檳榔 白芷 木香不見火

藿香葉各六兩 木通去葉八兩 赤茯苓去皮 白朮

乾木瓜去皮 石菖蒲

右咬咀每服半兩水一盞薑三片棗一枚劈破同煎七分去滓熱服不拘時候如心脾疼入菖蒲五斤同煎婦人血氣病入艾醋同煎傷寒頭疼發熱咳嗽連根葱白三根同煎如膈氣病入陳橘皮少許同煎心中怔忡入麥門冬子數粒同煎如臟腑利入粳米一

欽定四庫全書

普濟方卷一百八十一

三

撮同煎並不拘時候一方無石菖蒲藿香有沈香六兩枳殼去穢麩炒四兩大黃麩裏煨去麩切二兩

木香散出和劑方 治升降諸氣宣利三焦疎導壅滯發散

邪熱治陰陽之氣鬱結不消諸熱蘊毒腫痛結核或似癰癤而非使人頭疼惡心寒熱氣急

木香 丁香 沈香 乳香 藿香各等分

右為粗末每服二錢水一盞半煎至八分去滓食後

溫服

人參木香散出和劑方 順氣寬中治胃膈痞塞心腹刺痛

脇肋脹滿飲食減少噫氣吞酸嘔逆噎悶一切氣痰

並治之

木香不見火 青皮不去白各三兩 薑黃 麥葉去土各五斤

甘草剉炒十斤 蓬朮刷洗四斤 鹽炒十斤 人參三斤

右為末每服一錢沸湯點服不拘時候

木瓜湯出御藥院方 調氣利膈消痰止嗽治胃膈煩悶口

乾多渴兼治脚氣

欽定四庫全書

普濟方卷一百八十一

五

木瓜一斤切片去皮 白鹽好者 生薑切片 甘草各四兩

右一處搗勻磁盒器內淹一宿焙乾搗羅為末每服

一錢沸湯點服不拘時候

沈香降氣丸出御藥院方 治胃膈痞悶氣不升降飲食減

少肢體怠惰嘔噦惡心膈腹疼痛常服和脾胃進飲

食利胸膈

沈香一兩半 香附子去毛五兩 蓬朮剉碎

木香各二兩 甘草輕炒七兩 豆粉輕炒九兩 薑黃洗淨八兩半